




Broj: 03/7-01-02-1-1829/24

Sarajevo, 30. 9. 2024.



PRIMLJENO: 30-09-2024			
Organizaciona jedinica	Klasifikaciona oznaka	Redni broj	Broj priloga

Parlamentarna skupština BiH
Kolegiju Predstavničkog doma
Ustavno-pravnoj komisiji Predstavničkog doma

Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23 i 87/23) i čl. 1. i 2. Jedinstvenih pravila za izradu pravnih propisa u institucijama Bosne i Hercegovine („Službeni glasnik BiH“, br. 11/05, 58/14, 60/14, 50/17, 70/17 i 10/21), Zakonodavno-pravni sektor Zajedničke službe Sekretarijata Parlamentarne skupštine BiH daje sljedeće

Mišljenje

o

Prijedlogu zakona o dopunama Zakona o porezu na dodatu vrijednost

I. Zakonodavno-pravni sektor Zajedničke službe Sekretarijata Parlamentarne skupštine BiH (u daljnjem tekstu: Zakonodavno-pravni sektor) zaprimio je 27. 9. 2024. dopis predsjedavajućeg Predstavničkog doma Parlamentarne skupštine BiH, broj: 01-02-1-1829/24 od 26. 9. 2024, kojim se, na osnovu člana 104, a u skladu s članom 106. Poslovnika Predstavničkog doma Parlamentarne skupštine Bosne i Hercegovine (u daljnjem tekstu: Poslovnik), dostavlja Prijedlog zakona o dopunama Zakona o porezu na dodatu vrijednost (u daljnjem tekstu: Prijedlog zakona) radi mišljenja o usklađenosti s Poslovnikom i Jedinstvenim pravilima za izradu pravnih propisa u institucijama Bosne i Hercegovine (u daljnjem tekstu: Jedinstvena pravila).

U skladu s članom 104. Poslovnika, ovlašteni predlagачи su Sanja Vulić - predsjedavajuća Kluba poslanika Saveza nezavisnih socijaldemokrata, Saša Magazinović - predsjedavajući Kluba poslanika Socijaldemokratske partije BiH, Mia Karamehić-Abazović - zamjenica predsjedavajućeg Kluba poslanika Narod i pravda, Sabina Ćudić - predsjedavajuća Kluba poslanika Naša stranka - BHI - KF i Čedomir Stojanović - predsjedavajući Kluba poslanika Srpski klub.

II. Zakonodavno-pravni sektor je cijenio usklađenost Prijedloga zakona s članom 105. Poslovnika, te je konstatirano da je podnesen u skladu s članom 105. stav (1) Poslovnika, u pisanoj i elektronskoj formi, na srpskom jeziku. Također, u skladu s članom 105. stav (3)

Poslovnika konstatirano je da dostavljeno obrazloženje Prijedloga zakona sadrži elemente propisane članom 105. stav (3) tač. a), b), c) i d) Poslovnika. U skladu s članom 105. stav (4) Poslovnika, kada je poslanik predlagač zakona, mišljenje Direkcije za evropske integracije o usklađenosti prijedloga zakona sa zakonodavstvom EU iz člana 105. stav (3) tačka e), pribavlja Kolegij Doma.

Uz Prijedlog zakona priložene su i odredbe članova koje se dopunjavaju te verzija prečišćenog teksta zakona kako je to propisano članom 105. stav (5) Poslovnika.

Imajući u vidu navedeno, konstatira se da je Prijedlog zakona usklađen s članom 105. Poslovnika Predstavničkog doma.

III. U pogledu usklađenosti s Jedininstvenim pravilima, utvrđeno je da je Prijedlog zakona izrađen na način da odgovara nomotehničkim pravilima, odnosno da svojom strukturom, formom i stilom odražava pravila izrade pravnih propisa, kako je to i propisano Jedininstvenim pravilima.

Međutim, uvidom u tekst važećeg propisa odnosno dostavljeni prečišćeni tekst Zakona utvrđeno je da se član 67. Zakona o porezu na dodatu vrijednost sastoji od 14 stavova te da u Prijedlogu zakona ako on bude usvojen u oba doma Parlamentarne skupštine BiH, a prije objavljivanja u Službenom glasniku BiH, formulaciju „Dosadašnji stav (3) postaje stav (4)“ treba dopuniti na sljedeći način: „a ostali stavovi se pomjeraju za jedno mjesto naviše“, tako da član 67. u konačnoj verziji ima 15 umjesto dosadašnjih 14 stavova. Takođe, u članu (3) Prijedloga zakona potrebno je koristiti glagol u sadašnjem obliku u skladu sa članom 42. Jedininstvenih pravila.

U skladu s navedenim, ukazujemo na član 144. Poslovnika u kojem se navodi da ispravke grešaka utvrđuju sekretari oba doma Parlamentarne skupštine BiH.

Također, uvidom u važeći tekst Zakona utvrđeno je da se sastoji od osnovnog teksta i pet izmjena i/ili dopuna, što je razlog zbog kojeg ukazujemo na član 46. Jedininstvenih pravila (Svrha i obim izmjena i dopuna), te član 54a. (Novelacija teksta propisa), na što upućuje i član 67. (Revizija postojećih propisa) Jedininstvenih pravila.

Rukovodilac
Zakonodavno-pravnog sektora

Bojan Šehovac



Dostaviti:

- naslovu
- a/a